

## 開放文學 – 英雄傳奇 – 楊家府世代忠勇通俗演義 文廣困陷柳州城

卻說宗保升帳，諸將參見畢，宗保謂文廣曰：「夜來一夢不祥，必有小災。」言未罷，忽口白馬報農王復整兵出谷，殺奔柳州而來。宗保曰：「吾欲號令出軍，恐有疏失，驗應昨夜之夢。」文廣曰：「既爹爹夜夢不祥，且停止不出交兵，高壘深溝，坐老其師何如？」宗保曰：「吾軍遠涉，糧草缺少，利在速戰。」魏化曰：「權停兩日，觀其動靜，出兵破之。」宗保曰：「然也。」乃傳令叫門緊守，勿得妄動。農王見宗保兩日不出交戰，遂生一計，寫書一封，喚小卒送入柳州城去。小卒領書至城下叫曰：「守軍報知宗保。」宗保傳令開門放入。小卒遞上書。宗保拆開看之，書云：

日前汝排陣圖與孤打之，汝若有能，孤今亦排一陣，汝試出城觀看何如？

宗保覽畢，對來卒言曰：「神人之陣，我曾破之。量爾主乃一凡夫，才不高於神人，吾豈不能攻打乎！來日准出觀陣，歸語汝主，決不爽信。」小卒領回報農王。依王喜曰：「中吾計矣。」

次日，農王先擺開陣勢，出馬立於門旗之下。宗保亦擺開陣腳，才出馬來，農王遂發神箭射之。宗保望見，伸出右手接之，忽左手裡槍竿打著坐下馬眼，那馬驚跳起來，把宗保掀落於地，傷折左腳。文廣急救起來。農王望見宗保落馬，手揮五國之軍一齊殺出。魏化、何承恩等出馬迎敵，文廣護送父親入城，復出殺退南兵，救得魏化等入城訖。農王率軍將城圍了。文廣令四門緊守，不許亂動。號令畢，竟入帳稟曰：「爹爹保重貴體，勿以軍情掛心。」宗保曰：「吾足還要一月才好，爭奈糧草缺少，蠻兵雖敗，未曾折傷，他決不退。必須遣人表奏朝廷，再調兵來救應，方破得此賊。」文廣曰：「蠻賊只道爹爹傷箭，令將四門圍得甚緊。弓弩設得極多，怎出去得？」宗保曰：「汝令四門軍士披掛播鼓吶喊，虛作出城之狀，每日一連數次，蠻賊折箭既多，彼必懈怠，只道要他不復射箭。可令魏化齎表，汝同殺出城去，輔送出了重圍，汝即收軍入城。」文廣依計而行，一連三日詐作出城之狀。賊見折了許多箭，果懈怠不射。文廣開了北門，同魏化殺出城去。比及三門知覺，撤兵來殺時，文廣收軍已入了城，魏化已殺出重圍去了。

星夜回到汴京進奏仁宗，仁宗聞奏驚曰：「文廣長善公主之偶。文廣尚有疏失，怎生區處！」遂問群臣誰堪領兵去救文廣之圍。包拯奏曰：「殿前檢校元和可以去得。」仁宗允奏，即宣元和上殿，命其領兵。元和奏曰：「小將願往，但得一主帥同去為妙。先日楊府常有女將，乞陛下宣穆夫人來，問渠府還有可堪統兵者否？」仁宗聽罷，即命侍臣急往楊府宣穆夫人入朝，商議軍情。穆夫人接了手詔，同侍臣進朝拜見仁宗，仁宗問曰：「文廣今被蠻賊陷於柳州城，魏化回取救兵。朕命元和領兵五萬去救，但元和勇而無謀，不能將將，汝府先代常出女將，不知今還有否？若有能者，朕即敕封領兵前去解圍。」穆夫人聞知文廣被圍大驚，曰：「楊門止有此子接紹宗支，若有疏危怎了！今楊門雖有幾個丫頭，卻未曾演習兵戈之事，不知可去得否，待妾回問即來復命。」

穆夫人辭別仁宗。竟回到府，召集眾女，至於庭前問曰：「文廣被賊陷於柳州城內，聖上問我楊門還有女將，可以領兵前去解圍者否，汝等有誰去得？」宣娘曰：「阿奴願去。」穆夫人曰：「汝肯去，卻要謹慎。」遂引宣娘入朝奏知仁宗。仁親大悅，遂下命封宣娘為征南總督，授元和為車騎將軍，即日領兵起行。帝又謂穆夫人曰：「文廣長善公主之配，朕今許舍東嶽廟三件寶物，祈祐文廣平定南蠻而回。」穆夫人與宣娘謝恩而去。

宣娘領旨，辭別穆夫人，與元和、魏化統軍出城，望柳州進發。不數日，到了柳州，離城十里，紮下營。宣娘曰：「誰肯殺入城去，報知文廣？」魏化曰：「小將願去。」即欲出寨。宣娘曰：「且少待，先定計策，報與他知，做個裡應外合，卻才為妙。」元和曰：「計將安出？」宣娘曰：「今蠻兵屯於萬春谷中，我欲引軍截其歸路，但不知有路可通那頭否？」忽一卒應聲曰：「有路可通。」宣娘曰：「汝何以知之？」那卒曰：「昔日狄太師曾遣小卒到此谷中打探消息，只要偷過了柳州城外蠻賊之營，使他不知，便可以去。」宣娘曰：「計策有矣。魏將軍殺入城去，告知吾父，說吾引軍偷路過谷，截賊歸路。惟令城內，明日大開四門，調遣軍士，一齊殺出。元將軍分兵四路殺進，做個裡應外合，賊兵一敗，必走入谷，不可追之太驟，恐其捨命殺轉，只宜令步軍放炮放箭，緩緩一步一步進谷。吾軍既入了谷，騎可並行，又當急急追之，謹記切不可有誤。」言罷，謂元和曰：「將軍即放炮吶喊，大張威勢，一則以助魏將軍入城，二則蠻兵俱出迎敵，趁此之勢，我好偷過營寨。」言罷，魏化領勁騎一千，直衝重圍，入城而去。宣娘自引騎軍二千，遠遠依山傍嶺，偷過賊寨，往小路抄出萬春谷那頭去了。二支騎軍方出之際，元和放炮播鼓，喊聲振天，只見蠻兵紛紛前來迎敵，卻未提防宣娘偷過他寨去了。元和歎曰：「楊門婦女亦有識見如此。」

卻說宗保之腳已好，正在軍中吟詩納悶。其詩云：

層陰迢遞苦迷空，六月黃沙吹朔風。  
關塞極邊悲草木，羽衣昨夜過崆峒。  
何年克汗全歸去，此日驃騎盡總戎。  
千里驪騮俱野牧，廟堂不用賞邊功。

吟罷，忽聞城外喊聲大作，急登敵樓觀望。只見魏化殺入城來，急令文廣開門，放下吊橋，迎接入城。魏化入見宗保曰：「今宣總督領兵偷過賊寨，竟往萬春谷截賊歸路去了。著小將告稟元帥，如此如此而行。」

次日宗保下令，遣魏化出西門，與定兒五角王交戰。遣孫文煥出東門，與刺虎哈喇王交戰。遣何承恩出北門，與銳金秀王迎敵。遣文廣出南門，接戰賀花天王。人各領兵五千，一聲炮響，四門一齊殺出。宗保又令高嚴守城，又令冷如冰領兵一萬，出馬與岳刀立大王接戰。宗保自引大軍接戰農王天子。元和次日亦依宣娘之言，軍分四路，整頓齊備，聽得城內信炮一響，元和揮軍殺進四門而去。內外夾攻，蠻兵大敗，走入萬春谷去。宗保催大軍直趕殺到谷口，令軍士一步一步射進谷口，防賊埋伏。既進谷中，漫山遍谷，趕殺而去。蠻兵將走出谷，前軍回報，谷口有軍攔路。農王天子聞報，奮勇當先殺出。宣娘見旌幟是農王的，遂出馬交戰。只一合，被宣娘揮刀砍落馬頭。農王跌落於地，宋兵將農王綁了。部卒俱投降乞生。宣娘納之。其見五國國王爬山越嶺逃命。宗保催軍殺到，得報農王已被宣娘捉了，五國國王俱各越嶺而走，宗保急令軍士於嶺下高聲叫曰：「為亂者農王，今已成擒，實與汝諸國無與。汝等歸路皆已遣兵截住，今請汝等皆來投降。吾之元帥於天子處保奏，復封故土為王。苟執迷不省，如擒捉了，一命不留。」五國國王聞說，皆下山言曰：「只恐元帥縛而殺之，果肯相容，即當倒戈投降。」宗保曰：「誅戮降軍，是不仁也。行不踐言，是不義也。大宋堂堂正大之師，乃為不仁不義之事，何以服四夷乎！」五國國王皆曰：「請元帥暫退軍兵，明日自縛來見。」宗保下令收軍，屯於谷中不題。